



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

Henricus, de Sancto Ignatio

Leodii, 1709

Caput VII. Decretum Alexandri VIII. de 24. Augusti 1690. adversus
propositiones duas nimis laxas.

[urn:nbn:de:hbz:466:1-73187](https://nbn-resolving.org/urn:nbn:de:hbz:466:1-73187)

CAPUT VII.

Decretum Alexandri VIII. de 24. Augusti
1690. adversus propositiones duas nimis laxas.

44 **E**st tenoris sequentis : „ SS. D. N. Alexan-
„ der Papa VIII. non sine magno animi sui
„ mœrore audivit duas theses, seu propositiones,
„ unam denuò, & in majorem animarum fide-
„ lium perniciem suscitari; alteram de novo
„ erumpere. Et cum sui Pastoralis officii munus
„ sit, oves sibi creditas à noxiis pascuis averte-
„ re, & ad salutaria semper dirigere, dictarum
„ thesium, seu propositionum examen pluribus
„ in S. Theologia Magistris, & deinde Eminen-
„ tissimis & Reverendissimis DD. Cardinalibus,
„ còntra hæreticam pravitatem Generalibus In-
„ quisitoribus, sedulo commisit, qui pluries &
„ maturè discussis infrascriptis thesibus, seu pro-
„ positionibus, super unaquaque ipsarum sua suf-
„ fragia Sanctitati Suae sigillatim exposuerunt.
„ 1^a. Bonitas objectiva consistit in conve-
„ nientia objecti cum natura rationali. Formalis
„ verò in conformitate actus cum regula mor-
„ rum. Ad hoc sufficit ut actus moralis tendat
„ in finem ultimum interpretativè. Hunc homo
„ non tenetur amare, neque in principio, ne-
„ que in decursu vitæ suæ moralis.

2^a. Peccatum philosophicum, seu mo-
„ rale, est actus humanus disconveniens na-
„ turæ rationali, & rectæ rationi. Theologicum
„ verò & mortale, est transgressio libera divinæ
„ legis. Philosophicum, quantumvis grave in
„ illo qui Deum vel ignorat, vel de Deo actu
„ non cogitat, est grave peccatum, sed non est
„ offensa Dei, neque peccatum mortale, dis-
„ solvens amicitiam Dei, neque æternâ penâ
„ dignum.

Quibus peractis, Sanctissimus, omnibus
„ plenè & maturè consideratis, primam thesim
„ seu propositionem declaravit hæreticam, & ut
„ talem damnandam, & prohibendam esse, si-
„ cuti damnat & prohibet, sub censuris & pœ-
„ nis còntra hæreticos. in jure expressis. Se-
„ cundam thesim seu propositionem declaravit
„ scandalosam, temerariam, piarum aurium
„ offensivam & erroneam, & uti talem damnandam
„ & prohibendam esse, sicuti damnat &
„ prohibet: ita ut quicumque illam docuerit,
„ defenderit, ediderit, aut de ea disputaverit
„ publicè, seu privatim tractaverit, nisi forsan
„ impugnando, incidat in excommunicationem,
„ à qua non possit (præterquam in articulo mor-
„ tis) ab alio, quacumque etiam dignitate ful-
„ gente, nisi à pro tempore Romano Pontifice
„ absolvi, &c.

PROLEGOMENON QUINTUM.

De querelis adversus Ethicem severiorem.

CAPUT PRIMUM.

Querela sub Pio V. Innocentio XI. & Alexandro VIII.

- 1 **S**eculo decimo sexto querela graves Pio
V. delatae sunt, adversus varias pro-
positiones, vulgò Bajanas, quas ipse
per Bullam, Prolegomeno sequenti exhiben-
dam, condemnavit.
- 2 Anno verò 1679. (sæculi decimi septimi)
ut primùm Româ discesserant, Deputati Lovanien-
ses, P. Porterus (Minorita Hibernus) Innocentio XI. examinandas obtulit 104. pro-
positiones doctrinæ per Belgium (ut aiebat)
manantis è schola Lovanienf. Qua in re fide-
lis delator non fuit, utpote libris publicis mani-
festè convictus, earum nonnullas designatis à
se Scriptoribus per imposturam attribuisse.
- 3 Quidquid sit, Innocentio XI. displicuit, Lo-
vanienteses, vix Româ egressos, taxari, cum
toto biennio, & quatuor mensibus, quibus
steterant ad tribunal ipsius, accusare eos nemo
ausus fuisset; cum tamen tempus jam oppor-
tunum tunc fuisset accusandi ipsos coram le-
gitimo Judice, si quis adversus ipsos quere-
lam habuisset. Quia tamen Porterus Hispani-
ci Legati munitus erat autoritate, Innocen-

tius XI. propositiones illas 104. examinandas
dedit Theologis, qui ex iis 32. (cæteris ne-
glectis) maturius examinandas selegerunt. Quo-
rum, & Cardinalium (Generalium Inquisito-
rum) auditis suffragiis, Innocentius XI. super
iisdem consuluit tum Theologos doctissimos,
tum sapientissimum Cardinalem Grimaldi. A
quo quia (uti Romanæ nuntiaverunt Litteræ)
responsum accepit, propositionum illarum cen-
suram, ob terminorum æquivocationem, am-
biguitatemque partium utilitatis Ecclesiæ allatu-
ram; multum verò turbarum, dissensionum
& inconvenientiùm, censuram Pontifex no-
luit promulgare, nec autorizare. Ne eâ plu-
res abuterentur (uti reverà jam abutuntur)
ad evertendas præcipuas Moralis Christianæ
regulas, à SS. Patribus unanimi consensu tra-
ditas. Verùm Successori ipsius Alexandro VIII.
(qui in censuram propensus fuerat tempore
Innocentii XI.) visum est, eam promulgare.
Et idèò cum omni veneratione suscipiendum
est Decretum ipsius, pro quo, ut iisdem Lit-
teris nuntiatum fuit, verus examen (sub In-